

آبونه شرائطی : هر یر ایچون
سنه لکی (۴۰۰) آلتی ایلتی
(۲۲۵) ؛ ممالک اجنیه ایچون
سنه لکی (۴۵۰) ، آلتی آیلتی
(۲۵۰) غروشدور.

نسخه سی ۷،۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خانه

اخطارات

آبونه بدلی پشیندر .

مسلمه موافق آثار مع المنونیه
قبول اولنور . درج ایدلنه
یازیر اطاده اولتماز .

والله یهدی من یشاء الی صراط مستقیم

باش محرر
محمد عاکف

صاحب و مدر
اشرف ادیب

اتبعون اهدکم سبیل الرشاد

تذکره

آبونه : تدریس آیرلییه
• غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروستی محتوی
بولونسی لازمدر

ممالک اجنیه ایچون آبونه
اولانلرک آدرسلیرینک
فرانسزجه یازلمسی رجا اولنور .

پاره کوندردلیکی زمان ندیه
دائر اولدیفی ییلدیرلی
رجا اولنور

اعتراف ایدیورده بو خیرلی تشبثی منع ایدن معارف وکالتی معذور
کوسترمه یه قالدیشیور !

ذاتاً مدارس اسلامیہ نیک سد والغاسی ده کری قالدقاری ویا اسکی
طرزده تدریسانده بولونقلری ایچون دکلدی . بالعکس ، ترقی ایتدکاری
وکوندن کونده ده تعالی ایلکنده اولدقلری اونلرک الغاسی موجب
اولمشدی . ملغی شرعیه وکالتی تدریسات مدیریتده ، مدارس اسلامیہ نیک
هر طرفده بویوک برترقی کوسترمکده اولدیغنه ، طلبه علومک کرک تحصیل ،
کرک تربیه اعتباریله مکتبلر ایچون بیله نمونه امثال وله جق درجه ده تعالی
ایلدیکنه ، خلقلک مدرسه لره قارشى رغبتی کوندن کونه تزايدا یتیمکده اولدیغنه
دائرک بویوک ملکیه مأمورلری طرفدن کوندربان رسمی تحریراتلردن
مرکب دوسیله ل - اگر امحا ایدیلدیسه - آلآن موجوددر . اوزمانک
تدریسات مدیرعمومیسی بو کون آنقرده در . شهنسی اولانلر حقیقت
حالی مدیر عمومیدن اوکره نه بیلیرلر .

حتی اوصیره لده آنقرده معارف وکالتنده انقادی ایدن بر مجلس
علمیده شیمدیکی دارالفنون امینی اسماعیل حتی بک بویوک بر تلاش
واندیشه ایله شوصورتله باغیرمشدی :

« ارقداشلر ! خوجلر حکمت وکیمیای محرابلره قدر صوقدیلر ، اگر بزر
مدرسه لرک بویوککی سیر تکاملنه بش سنده ها مساعد و مسامحه کار داورانیرسه ق
بوتون لیسه ل مدرسه یه انقلاب ایده جکدر . »

« توحید تدریسات » قانونک فرداسی کونی ده عن اصل روسیه لی
بر مبعوث منور علمادن بر ذاته :

— مدرسه نیک سرعتله ترقیسی قارشوسنده محتمل برته لک نیک اوکنی آلتق
ایچون حیاتلرینه خاتمه ویردک .

دیمش اولدیغنی بالذات بوسوزده مخاطب اولان بزه حکایه ایتشدی .
ایشته شیمدی اوتدن بری مدرسه لرک و علمانک علمنده بولونمیه بر
شعار مخصوص ایدینن فالخ رفقی بکده بولی مفتیسنک اوچ سینه ظرفنده
یدی سکزیبیک کویلوچوجغنه او قویوب یازمق اوکره ته جک صورتده کی
تشبثات عرفانپورانه سنی اعترافه مجبور اولیور . عجبا « مادام که معارف
مکتبلری کری قالمشدر ، او حالده ترقی ایدن مدرسه لری ده سد والفا
ایتمک لازمدر » کی عرفان خصم لرینه یاقیشیر بر تعصب ایله غیر قانونی
صورتده مدرسه لری قاپان معارف وکالتی اوچ سینه ظرفنده کویلو
چوجقلرینک یدی ، سکزی بیکنه دکل ، یدی ، سکزی یوزینه او قویوب
پازمه اوکره نه بیلیرمی ؟ خلقلک عشق عرفانه قارشى هر طرفده عرفان
مرکز لرینک قیدسزلغنی ایسه ینه کنیدی لری اعتراف ایدیورلر .

بو کون خلقلک شدتله محتاج اولدیغنی مؤسسات دینه مسدود
ایسه لی نه یاه خلق بو حقوق طبعیه سندن محروم ایدیلر جک دیمک دکلددر .
الته بر کون اومقامه ، کنیدی سنی خلقلک احتیاجات دینه سنی تأمین ایله مکلف
بر معارف وکیلی کله جک ، ملک احوال روحیه واجتماعیه سینه تمامیه آیقیری
اولان بو یولسزلقلری ازاله ایده جکدر . ملت هر شینک اوستنده در .

معارف وکیلنک تیاترو جیلغی حمایه سی

آنقرده تورک اوجاغنده مبعوثلر ، وکیللر ، محررلر ، معلملر بر اجتماع
عقد ایدرک تیاترو جیلغک حمایه سی حقنده بر جمعیت تأسیس قارارلاشدیرمشلر .
اجتماعده بولونان معارف وکیلی بوجمیت نظامنامه سنی تانیث ایدمک هیئت میانده
داخل اولمش . مکتبسزلک ، معلمسزلک ، اداره سزلک یوزندن ملکک
هر طرفنده بر معارف بحران بولوندیغنی صیره ده معارف وکیلنک تیاترو جیلغی جمعیتی
تأسیسنه قالدیشیسی قدر تحف برشی اوله ماز .

تیاترو جیلغی آیری برایش ، بر صنعتدرکه اونکده اهلی ، منتسبلری واردر .
هر حالده بر معارف وکیلندن بکلنن شی ، تیاترو جیلغی جمعیتی تأسیسی دکلددر . معارف
وکیلی ملکک هر طرفنده یوزلجه مؤسسات دینه یی غیر قانونی ارلره ق سد
ایتدکدن صوکره شیمدی ده تیاترو جیلغی حمایه ایچون جمعیت تشکیل ایدنلر میانده
داخل اولیور . اون آلتی بیک طلبه نیک علوم دینه تحصیل ایتدیکی اوچ ،
درت یوز مدرسه یی سد ایتدیکی زمانی حیاتنک اک ذوقلی کونی عد ایتدیکنی
سویله یی بر معارف وکیلنک تیاترو جیلغی حمایه ایتسی او قدر غریب کورولن .
اصل غرات ، تشکیلات اساسیه قانونک تا باشنده دینی دین اسلام اولدیغنی
واحکام شرعیه نیک اجرا وتنفیدینی دره ده ایاش بولوندیغنی محرر اولان بر دولتک
بویله بر معارف وکیلی بولونماسیدر .

* *

« محامشات » و « ریاضات » می بایلیورمه ؟

بولی مبعوثی فالخ رفقی بکک « بر نمایشه دائر » سرلوحه سیله جمهوریت
غزته سنده سویله بر فقره سی کورولدی :

« بوییل انقلاب مبعوثلری ، صدر اسلامده اولدیغنی اوزره ، بر جامع
شریفک عادتاً حرم آلولوسنده مشاوره ایتمکده درلر . آلتی آی اول مجلسک
یاننده آیری بر بناده بولونان جامع شریف ، شیمدی مذاکره صالونک تام
قارشیسنده در ، قابلی قوریدورده اذان او قویان مؤذن افندیکن سسی بوتون
بنای اولیله قایلایورکه صالونده صرمل اوستنده اوطوران منتظم مبعوث صف لرینه ،
قعدۀ اولی ده بر جاعت منظره سی کلیر .

ریاست کرسیسنک باش اوجنده کی « وامرهم شوری بینهم » لوحه سی ،
کچن سته کی یازینک ایکی اوچ مثلی بویوکلکنده در . وقویو سیاه اوستنده قالین
بیاضله رسم ایدلمشدر .

جامع مز واردی ، بلکه اوایکی مجلسک دها کوستریشیر بر اوطه سنده
آلته بیلیر ، مصلیلر ساعتلرینه باقوب نماز وقتی اوکره نه بیلیردی . انسان کنندی
کندینه صوریور : کیمه بومامشات ، نیچون بوریا کارلق ؟

شبه سز چنبیلی مجلسده کی بونمایش سبیلله نه وطن ته لکده در ، نه ده
انقلاب ضعفه اوغرامشدر ، مسئله شودر ، که بونوع غرابتلر بزی کولونج
کوسترمه بیلیر . بویله نمایشلره شاهد اولانلر ، ماشاه تورکلر نه متقی آدملر مش ،
دیمزلر ، تورکیا تجدد پرورلر نی ده ، عثمانلی مشروطیت پرورلر کی ، تعصبنازقله
اتهام ایدرلر . خلقدن و حقیقتدن کیزله جک هیچ بر قصورمن یوقدر ، اولدیغمز کی
کورونه لم ، کنندی قویدیفمز علوی اساسلری ، بولتیقه چامورینه صوقوب
یومشاتمقدن و بویوکلمکدن وقایه ایدم لم . »

بولی مبعوثی ، ملت مجلسنده مؤذنک اذان او قومسنی ، ریاست
کرسیسنک باش اوجنده (وامرهم شوری بینهم) آیت کریمه سنک معلق
بولونمسنی بر نمایش عد ایدیور و کنندی کندیینه صوریور : « کیمه
بومامشات ، نیچون بوریا کارلق ؟ »